

涼之北廉遠潯邕之南藤梧封以東為牛
女則廉潯邕當為翼軫諸說不同但考宋
熙寧八年十月彗星見軫未幾交趾
陷欽廉邕三州則廉在軫也明矣

疆域

府地方一千一百二十餘里廣六百四十里

袤四百八十五里

東至高州石城縣吳浦舖
界一百三十里西至

廣西上思州肥羊嶺界三百三十里
南至冠頭嶺海岸界八十里北至廣西
竹舖界二百五十里自府治至省城一
千八百九十里至江寧五千二十里至
直隸九千六十五里

合浦縣附郭地方三百九十餘里廣一百八十

里家二百一十五里 西至欽州烏家舖五十里北至靈山二百二十

五里東至石城縣界一百二十里南至冠頭嶺海邊八十里

欽州地方六百二十餘里廣三百六十里家

二百六十五里 東至平銀渡接靈山博峩界三十里西至廣西上思州三

百二十里南至龍江海岸六十五里北至廣西永淳縣林岐村界二百里自州治至

本府一百八十里

靈山縣地方五百五十餘里廣二百五十里

家三百五里 東至合浦縣信立鄉界五十五里西至廣西宣化縣八尺江界

三百六十里南至合浦縣首舖界一百六十里北至廣西橫州筋竹界四十五里自

縣至本府二
百八十里

形勝

廉州府嶺表遐郡山勢起伏川流灣迴龍門
跨其東州江遶其西南有冠頭嶺拱其前北
有五黃山擁其後大廉鎮於東北巨海環於
西南而府治中據當平行之地此一郡之形
勝也

欽州瀕海而治望火辰其北望川峙其東天
擊踞其西文筆屏其前兩旁之山東西合抱

結爲龍門鎖鑰襟喉欽江漁洪二水夾流左
右會於猫尾由龍門以入海中州之地至此
而盡十萬分茅橫跨西維界分華夏此一州
之勝也

靈山地脉自峯子嶺起伏而來至縣治平行

北障龍池南列虎榜卽梁冠山東蟠羅陽西聳石

六環秀卽南岸大江鳴珂卽南岸小江二江遶其前羅

傘特立諸峯鎖其下此一邑之形勝也

沿革

廉州府三代以前為百粵地在禹貢之外未

入職方秦始皇入版圖附隸象郡漢置合浦郡

領縣五

合浦徐聞高涼臨元朱崖

漢末時吳改合浦郡為

珠官郡尋復為合浦郡領縣五晉因之劉宋

太始中以合浦郡析置臨漳郡及越州又分

合浦徐聞置合州尋改為南合州齊梁及陳

皆因之隋廢合浦郡為祿州又為合州尋復

之唐武德中改合浦郡為越州領縣五

合浦高城

安昌大廉大都

貞觀中改為廉州屬嶺南道尋復

為合浦郡隸邕管經畧使五代時為偽漢劉

隱之所據宋開寶四年平偽漢仍為郡屬廣

西路太平興國中徙州治於長沙場又徙於

海門鎮即今府治咸平初復為廉州元改為廉州

路明洪武元年置廉州路九年改為廉州隸

雷州十四年改為府領欽州合浦石康靈山縣後石康廢今因之

合浦縣漢元鼎六年始置合浦縣屬合浦郡

吳晉因之隋廢其縣唐復之隸越州貞觀元

年改越州為廉州宋併封山蔡龍大廉以其

地入焉置合浦石康二縣仍隸廉州元因之
洪武二年改路爲府縣屬如舊九年改府爲
州省合浦領石康縣十四年仍置合浦縣於
府石康如舊成化八年石康縣爲流賊所殘
併入合浦

欽州秦隸象郡漢隸合浦吳晉宋齊皆因之
梁天監中始置安州隸桂州總管府隋開皇
十八年改安州爲欽州大業三年改欽州爲

寧越郡統縣六

欽江安京內亭
遵化南賓安海

唐武德五年

改寧越郡為欽州總管府隸桂州統縣四

安京

南賓欽江如刊

七年改總管府為都督府貞觀十二

年罷之調露元年以都督府所屬之地隸容

州神龍三年改屬廣州天寶四年改復為寧

越郡乾元元年改為欽州隸邕管經畧使宋

開寶四年置廣南西路欽之版籍始歸有司

元至元十五年改欽州路置安撫司十七年

改為總管府屬海北海南道領縣二

安遠靈山洪

武八年改路為府領縣如舊隸廣東布政司

九年又改爲縣與靈山俱屬廉州總隸雷州
府十四年改廉州爲府改欽縣爲州今因之
靈山縣漢合浦郡地隋置南賓縣屬欽州唐
貞觀間改爲靈山縣宋開寶四年廢遵化欽
江內亭三縣以其地入焉洪武八年改州爲
府縣仍屬十四年復欽縣爲州靈山仍屬州
俱隸廉州府今仍舊制

歷年紀

茶

秦始皇二十五年王翦南征百粵多降

三十三年遣任囂擊南越平之置象郡桂林

南海三郡

秦已并天下界定楊越下謫徙民五十萬與越雜處後遣任囂攻取

陸梁之地置三郡以囂為南海尉
廉州為秦象郡地十三州記大日守小日

尉秦官也

漢

高帝元年五星聚于東井

南海尉任囂卒趙佗代為尉自立為南粵武

王